



07209

古文奇賞卷之二十二

新城遊北山記

宋 晁補之

去新城之北三十里山漸深艸木泉石漸幽初猶騎
行石齒間旁皆大松曲者如蓋直者如幢立者如人
臥者如蚪松下艸間有泉沮洳伏見墮石井鏘然而
鳴松間藤數十尺蜿蜒如大虺其上有鳥黑如鴝鵒
赤冠長喙俛而啄礫然有聲稍西一峰高絕有蹊介
然僅可步繫馬石背相扶攜而上篁篠仰不見日如
四五里乃聳鷄聲有僧布袍躡履來迎與之語聘而

古文奇賞 卷二十二

顧如麋鹿不可接頂有屋數十間曲折依崖壁爲欄
楯如蝸鼠繚繞乃得出門牖相值旣坐山風颯然而
至堂殿鈴鐸皆鳴二三子相顧而驚不知身之在何
境也且莫皆宿於昔九月天高露清山空月明仰視
星斗皆光大如適在人上窓間竹數十竿相摩戛聲
切切不已竹間梅株森然如鬼魅離立突髻之狀
三子又相顧颺動而不得寐遲明皆去旣還家數日
猶恍惚若有遇因追記之後不復到然往往想見其
事也

清激雋快

山谷驢筆也豈屑焉此偶比之文吾正於驪黃外賞之

女弟阿通歸。李安詩為置婢。無所得。迺得跋奚。蹒跚離疏。不利走趨。顛出屋檐。足達戶樞。三嫗挽不來。兩

嫗推不去。主人不悅。厨人罵怒。黃子笑之。曰。堯牽羊定印皆

而舜鞭之。羊不得食。堯舜俱疲。百羊在谷。收一童子。

草露晞而出。草露降而歸。不亡一羊。在其指撝。故曰

使人也。器之物有所不可。則亦有所宜。警夜偷者不

以馬。司晝漏者不以雞。準繩規斧。異用殊施。天傾西

北。地缺東南。尺有所不逮。寸有所單。子不遁之。則屨

不可運。土簣不可當。履坐而眈之。大小俱廢。子如通

古文奇賞 卷二十二

二

之。則瞽者之耳。聾者之目。絕利一源。取功十百。事固

有精於一。則盡善。備用智。則無功。有所不能。乃有所

大能焉。呼跋奚來前。吾為若詔之。汝能與壯士拔距

乎。能與群狙賦茅乎。能與八駿取路乎。能逐三窟狡

兔乎。皆曰不能。曰是固不能。閨門之內。固無所事。此

今將詔若可為者。汝無狀於行。當任坐作。不得頑。癡

自今謹飭。晨入庖舍。滌鎗。滌釜。料簡蔬茹。留精黜獮。

醬肉法。欲方膾魚法。欲長起。搜如截肪。煮餅深注湯。

和糜。勿投醯壺。日晚用薑葱。漆不欲焦。旋菹不欲黃。

飯不欲著牙。揚盆勿駐沙。進火守炷。水汲沸。鼎斟酌。

夫有藏花
吳女臨鏡
樊春之意

薤毛生熟必告娘。媼磨食爬垢。撩髮染指。拋杓嚼。敲
懷骨事無大小。盡當關自食了。滌器三正三反。杖拭
蠲潔寢匙。覆椀陶瓦。髹素視在。謹數兄弟。爲行壯此
相當日中事。閒浣衣漱。濡器穢器。淨謹循其初。素衣
當白。染衣增色。梳鬢爲黃。紅螺蚬光。投藍杵草。茅蒐
蒙皂。漿腴粉白。無不媚好。燥濕處。亭尉帖坦。平來往
之役。資他使。令牛羊下來。喚雞棲架。撐拒門關。閉護
草竊飲飯。猫犬堙塞。鼠穴凡鳥。攫肉猫觸。鼎夫抛鎗
鼠窺。甌皆汝之罪也。春蠶尋臥。升簇自裹。七晝七夜
無得停火。紵麻藤葛。蕉任絺綌。錫球手作。無有停時

古文奇賞 卷二十二

三

紵緝偷工夫。一日得半工。一纓亦有餘。暑時蘊蒸。扇
涼蜜水。薰艾出蚊。水盤去蠅。果坐守樹。果熟守筥。執
子懷彈。驅嚇飛鳥。無得吮嘗。即使殘少。姆姬罵譏。瘡
痢泄嘔。天寒置籠衣。食畢烘搔痒。抑痛炙手。擱凍無
事。倚牆鞵履。可作堂上。叫呼傳聲。代諾截長。續短。鳧
鶴皆憂。持斂捕拙。與巧者儔。凡前之爲。汝能之不。跛
奚對曰。我缺於足。猶全於手。如前之爲。雖勞何咎。黃
子曰。若是則不旣有用矣乎。皆應曰。然無不意滿。

此學王哀僮約而擬議之中更有變化

跋王慎中胡笳集句

公云行已
諸善皆當
老成解事

湓城王寅慎中擬半山老人集句胡笳十八拍其會
令宛轉道文姬中心事甚妙慎中文士孝友清脩年
三十八未嘗知女色葷羶不入口一粥一飯三十年
奉身如山中頭陀初無玷缺山中人初不接世事故
其行易持觀慎中詩語所道閨闈中意不應是鐵人
石心然能自護持如此所以為難

跋贈俞清老詩

公云水哥
欲遠危鴨
間暇若草
風霜中猶
有能自得
署

俞清老舊與庭堅同學才性警敏無所不能喜事而
多聞白頭不倦詎諧戲弄則似優孟東方朔之為人
然資亦不急少不當其意使酒呵罵又似灌夫蓋寬

古文奇賞 卷二十二

四

饒以是忿愠欲祝髮著浮圖人衣曰免與俗子浮沈
余曰公能少自寬俗子安能為輕重去而與祝髮者
游其中雖有道人亦如沅江九肋鼈爾與俗子為伍
肥毒執轡方能作之
方自此始清老蓋疑之至今云

題七才子書

眉山老書生作此七才子入關圖作人物亦各有意

態予以為趙子雲之苗裔摹寫物象漸密而放浪閑

遠則不逮也或謂七人者皆詩人此筆乃少丘壑耶

山谷曰一丘一壑自須其人習次有之但筆間那可

得

公云此景
文章同一
閑雅但難
得入入神
會耳

書贈俞清老

公云貧士不能相活實子不足與語

人生歲衣十匹日飯兩杯而終歲蕭然疲役此何理
邪男女婚嫁緣渠儂地自有衣食分齊所謂誕置
之隘巷牛羊腓字之其不應凍餓溝壑者天不能殺
也今蹙眉終日者正為百艸憂春雨耳青山白雲江
湖之水湛然可復有不足之歎邪

跋子瞻木山詩

往嘗觀明允木假山記以為文章氣旨似莊周韓非
恨不得趨拜其履烏間請問作文關紐及元祐中乃
拜子瞻于都下寔聞所未聞今其人萬里在海外對

古文奇賞 卷二十二

五

此書為廢卷竟日

書林和靖詩

歐陽文忠公極賞林和靖疎影橫斜水清淺暗香浮
動月黃昏之句而不知和靖別有詠梅一聯云雪後
園林纔半樹水邊籬落忽橫枝似勝前句不知文忠
公何緣棄此而賞彼文章大槩亦如女色好惡止繫
於人

跋匹紙

建中靖國元年十月戊子荆州之沙市舟中久雨初
霽開北軒以受涼王子飛兄弟來過適有田氏嘉醞

可以披其
卷

問子飛子均皆不能酒而子予自贊曰能因濯子古
銅瓢滿酌飲之曰飲此則爲子書匹紙子予請盡之
既而一舉覆瓢示予因爲落筆不倦是日子予雖醉
而狂語皆無流俗之談亦有以觀其不凡也

書贈王長源詩後

必云不以
夏時之面
事上言不
以河上言
下

王長源安貧好義簞食瓢飲妻奴不免饑寒而未嘗
作可憐之色向人夫人能自重其在官必能愛民惜
當路未能拭目也相見于京師忽忽不得盡平生朋
友之意長源告行會小人年來苦眩不能苦思因而
廢詩輒以舊詩十許爲贈長源若行登山臨水亦可
古文奇賞 卷二十二 六

以代勞歌耳

書聖庚家藏楚詞

童子厚嘗爲予言楚詞蓋有所祖述予初不謂然子
厚遂言曰九歌蓋取諸國風九章蓋取諸二雅離騷
經蓋取諸頌予聞斯言也歸而考之信然顧嘗歎息
斯人妙解文章之味此其於翰墨之林千載人也但
頗以世故廢學耳惜哉

書稽叔夜詩與姪榎

叔夜此詩豪壯清麗無一點塵俗氣凡學作詩者不
可不成誦在心想見其人雖沉於世故者然而攬其

餘芳。便可撲去。面上三斗俗塵矣。何況採其義味者乎。故書以付椶。可與諸郎。皆誦取時。時諷詠。以洗心。忘倦。予嘗為諸子。弟言。士生於世。可以百為。唯不可俗。俗便不可醫也。或問。不俗之狀。予曰。難言也。視其平居。無以異於俗人。臨大節。而不可奪。此不俗人也。士之處世。或出。或處。或剛。或柔。未易以一節盡其蘊。然率以是觀之。

題蔡君謨書

君謨書如蔡琰胡笳十八拍。雖清壯頓挫。時有閨房態處。惟○伴○

古文奇賞 卷二十二

題東坡像

水滸石洞登波古木虛髻髻之
元祐之初。吾見東坡於銀臺之東。其貌不爾。紹聖之元。吾見東坡於彭蠡之上。其貌不爾。紹聖之末。有僧荒林亂石。雲失東西法舟見東坡於惠州之市。其貌不爾。而彭山石喻作東坡之像焉。廖宜叙東坡年家子也。而謂之然。予安敢獨謂之不然。

雜書

潘谷驗墨。模索便知精粗。凡百工各妙于一物。與極高。明。淨。遠。然。後。見。山。見。水。深研細者。同一闕。換耳。魏晉間士大夫往往有人材。風鑒至于反照。便如漆墨。亦潘谷之流耳。

曾未嘗見
右軍脚汗
氣雜之也

公云惟深
並故能越
誠善家之而
光已

謝講和赦表

岳飛

志武奉詔
參傳必欲
曰以和宗
鴻養之澤
翻為使怨
率華夏禮
義之俗甘
事腥羶紫
色餘外擬
亂正統危
其面目何
以臨人又
日雖同心
一德足以
吞彼國之
泉郡然三
令五申豈
忍殘吾宋

武勝定國軍節度使開府儀同三司湖北北京西宣撫使兼管田大使臣岳飛上表言今月十二日准進奏院遞到赦書一道臣已卽恭率統制領將佐官屬等望闕宣讀訖觀時制變仰聖哲之宏規善勝不爭寔帝王之妙筭念此艱難之久姑從和好之宜睿澤誕敷輿情胥悅臣飛誠懼誠忤頓首頓首竊以妻敬獻言于漢帝魏絳發策于晉公皆盟墨未乾顧口血猶在俄驅南牧之馬旋興北伐之師蓋夷虜不情犬羊無信莫守金石之約難充谿壑之求圖躄安而解倒

古文奇賞 卷二十二

八

垂猶之可也顧長慮而尊中國豈其然乎恭惟皇帝陛下太德有容神武不殺體乾之健行巽之權務和衆以安民迺講信而修睦已漸還于境土想喜見于威儀臣幸遇明時獲觀盛事○在○帝○所○教身居將閫功無補于涓埃口誦詔書面有慚于軍旅尚作聰明而過慮徒懷猶豫而致疑謂無事而請和者謀忠卑辭而益幣者進臣願定謀于全勝期收地于兩河唾手燕雲終欲復讎而報國誓心天地當令稽顙以稱藩

昔晉文之拔卻穀孫權之劫呂蒙文武豈不欲兼哉忠武本以勇敢進而宥通儒業奚數卻呂輩耶

黃州竹樓記

宋 王元之

行文一味
慕慕制句
而無深長
之思淵博
之氣大都
自玉蟾一
流也

黃岡之地多竹大者如椽竹工破之剝去其節用代
陶瓦比屋皆然以其價廉而工省也予城西北隅雉
堞圯毀葦莽穢因作小樓二間與月波樓通遠吞
山光平挹江瀨幽閒遶負不可具狀夏宜急雨有瀑
布聲冬宜密雪有碎玉聲宜鼓琴琴調和暢宜詠詩
詩韻清絕宜圍碁子聲丁丁然宜投壺欠聲鏗鏘然
皆竹樓之所助也公退之暇披鶴氅衣戴華陽巾手
執周易一卷焚香默坐消遣世慮江山之外第見風
帆沙鳥烟雲竹樹而已待其酒力醒茶烟歇送夕陽
古文奇賞 卷二十二 九

迎素月亦謫居之勝槩也彼齊雲落星高則高矣井
幹麗譙華則華矣止于貯妓女藏歌舞非騷人之事
吾所不取吾聞竹工云竹之爲瓦僅十稔若重覆之
得二十稔噫吾以至道乙未歲自翰林出滁上丙申
移廣陵丁酉又入西掖戊戌歲除日有齊安之命已
亥閏三月到郡四年之間奔走不暇未知明年又在
何處豈懼竹樓之易朽乎後之人與我同志嗣而葺
之庶斯樓之不朽也

文情尚宕

九日自叙

宋楊萬里

但借重淵明亦恐熱套騰然詩一着

余山野遠城邑復不近塵市兼旬不識佳味日汲山泉煮湯餅饋以寒糞主以脫粟紛不及目囂不及耳余心祿如也偶九日至呼兒問有酒乎曰秫不登無所于釀余仰屋喟曰安得白衣人乎已而所親送至醅余欣然又問有菊乎曰秋未涼菊亦未花余又喟曰既得酒復望菊可乎因悠然獨酌取几上文書一編觀之乃余亾友西溪先生和陶詩也讀至九日間居賦詩云塵爵恥虛壘寒花空自榮東坡和云鮮菊霜菊豔滴滴糟床聲西溪和云境靜人亦寂觴至壺古文奇賞 卷二十二 十

自傾則又喟然曰四者難并之歎今古如一丘之貉也兒踞而請曰東坡西溪之和果孰似余曰小兒何用強知許事淵明之詩春之蘭秋之菊松上之風澗下之水也東坡以烹龍庖鳳之刺而飲木蘭之墜露餐秋菊之落英者也西溪操破琴鼓斷絃以穿松風澗水者也似與不似余不得而知也汝蓋於淵明而問焉。

祥瑞策

三代而上祥瑞在天下漢唐以來祥瑞在簡策非古之賤祥瑞而不書也祥瑞滿天下而不勝其書也非

本兵典才却帶來氣

後世之多祥瑞而可書也。無中之有寡中之多而不能不書也。向使漢唐之世紫極而有堯舜青槐而有伊周宇宙而有太和則尺地寸天在在呈祥岳貢川珍源源錫祉固未易笏計而鞭笞雖族誅刻藤秃盡毛穎有不可記者。蘭臺螭蚘之手安能漁獵一二以覆稿竹之載邪。簡策無祥瑞天下有祥瑞祥瑞之至也。治功之隆也。簡策有祥瑞天下無祥瑞祥瑞之衰也。治功之薄也。嘗讀堯之典舜之典禹臯之謨初不聞某歲某國獻某瑞也。又讀文之雅武之雅成康之頌亦不聞某歲某地產某瑞也。鳳凰來儀之說蓋因古文奇賞 卷二十一

夔之論韶而及之爾不以爲瑞也。屢豐年之說蓋因論偃武之美而及之爾亦不以爲瑞也。當時之盛問其君臣則明都良俞也。問其禮樂則神和人欽也。問其風俗則仁醺義醕也。問其天下則海清砥平也。仰焉七政齊俯焉萬物遂內焉而邇人安外焉而遠人格日月霜露之域飛潛動植之鄉何者非祥耶何者非瑞耶。故曰祥瑞在天下後世君臣不唐虞制作不三代自劉迄李步趨一躡固有獲一麟而作歌者不知此乃先王郊藪中常物也。固有得一鼎而賦詩者不知此乃先王宗廟中常器也。固有喜一禽而改元

漢武漢宣
猶不克此
張敞之所
以彈箠相
也

丁亦延伯
一酉温字
不必如
一六疏

者不知此乃先王林園中常羽也。吳蚕八育時則瑞
乎家而未瑞乎鄉。南稻再熟時則瑞乎鄉而未瑞乎
邑。馴雉翠桑時則瑞乎邑而未瑞乎郡。珠還合浦時
則瑞乎郡而未瑞乎萬邦。露雖甘矣天瑞而地未瑞
也。泉雖醴矣地瑞而人不瑞也。鴈不朱而赤矣瑞飛
而不瑞。潛兔不浴而白矣瑞動而不瑞。植一有而一
無一至而一不至。汗青之上固不勝其侈矣。較之帝
王之盛世能幾許耶。故曰祥瑞在簡策。

觀誠齋罪嚴助等文用筆端勁亦宋文之錚錚者

古文奇賞

卷之二十三

十三

跋劉凝之陳令舉騎牛圖

陸游

公卿貴人方黃金絡馬傳呼火城中時欲如二公騎
 牛山谷蕭散遺物固不可得若予者仕既齟齬及斥
 歸欲買一黃犢代步其費二萬有畸作欄畜童又在
 此外遂一笑而止徒有此生猶著幾兩屐之歎乃知
 二公風流亦未易追也紹興甲寅十二月二十九日
 陸某識

劉凝之字隱安小名長生南郡枝江人也慕老萊
 嚴子陵為人推家財與弟及兄子立屋於野外非
 其力不食辟石不就性好山水攜妻子泛江湖隱

古文奇賞

卷二十二

十三

居衡山採藥服食年五十九見晉書余見宋小說

劉伯壽洛陽九老中一老也築室嵩山下每登高
 頂回則於峻極中院援筆記歲月題云登頂凡七
 十四次矣伯壽既結菴玉華峯下號玉華菴主有
 妾名護草芳草皆秀麗而善音律伯壽出入乘牛
 吹鐵笛二草以蘄笛和之聲滿山谷出門不言所
 之牛行卽行牛止卽止其止也必命壺觴盡醉而
 歸嵩前人以爲地仙云陸放翁羨劉凝之予尤羨
 劉伯壽也

跋李莊簡公家書

李丈叅政罷政歸鄉里某年二十矣時時來訪先君
劇談終日每言秦氏必曰咸陽憤切慷慨形于色辭
一日平旦來共飲謂先君曰聞趙相過嶺悲憂出涕
僕不然謫命下青鞵布襪行矣豈能作兒女態邪方
言此時目如炬聲如鐘其英偉剛毅之氣使人興起
後四十年偶讀公家書雖徒海表氣不少衰丁寧訓
戒之語皆足垂範百世猶想見其道青鞵布襪時也
淳熙戊申五月笠澤陸某題

趙鼎闢和議與檜不合檜力排之出知紹興檜率
執政往餞鼎不爲禮以後徙知泉州又提舉洞霄

古文奇賞 卷二十二

十四

又移漳又安置在潮又移吉陽軍鼎謝表云白首
何歸。悵餘生之無幾。丹心未泯。誓九死以不移。檜
見之云。此老崛強猶昔。則所謂趙相過嶺悲憂出
涕者。恐亦傳聞之誤也。已得疾自書墓石其銘旌
云身騎箕尾歸天上。氣作山河壯本朝。公烈丈夫
豈作兒女子態邪。故一爲辨之。

姚平仲小傳

姚平仲字希晏世爲西陲大將幼孤從父古養爲子
年十八與夏人戰賊底河斬獲甚衆賊莫能枝梧宣
撫使童貫召與語平仲負氣不少屈貫不悅抑其賞

然關中豪傑皆推之號小太尉睦州盜起徽宗遣貫
討賊貫雖惡平仲心服其沉勇復取以行及賊平平
仲功冠軍乃見貫曰平仲不願得賞願一見上耳貫
愈忌之他將王淵劉光世皆得召見平仲獨不與欽
宗在東宮知其名及卽位金人入寇都城受圍平仲
適在京師得召對福寧殿厚賜金帛許以殊賞於是
平仲請出灰士斫營擒虜帥以獻及出連破兩寨而
虜已夜徙去平仲功不成遂乘青騾亡命一晝夜馳
七百五十里抵鄧州始得食入武關至長安欲隱華
山顧以爲淺奔蜀至青城山上清宮人莫識也留一
古文奇賞 卷二十二 十五

日復入大面山行二百七十餘里度采藥者莫能至
乃解縱所乘騾得石穴以居朝廷數下詔物色求之
弗得也乾道淳熙之間始出至丈人觀道院自言如
此時年八十餘紫髯鬢然長數尺面奕奕有光行不
擇崖塹荆棘其速若奔馬亦時爲人作書頗奇偉然
秘不言得道之由云

人不得道生老病死四字關誰能透過獨美人名
將老病之狀尤爲可憐李夫人馬伏波是也夫紅
顏化爲白髮虎頭健兒化爲雞皮老翁亦復何樂
西子入五湖姚平仲入青城山他年未必不歿直

是不見末後一段醜境耳。故曰神龍使人見首而不見尾。

師伯渾文集序

乾道癸巳予自成都適犍爲識隱士師伯渾於眉山一見知其天下偉人予旣行伯渾餞予於青衣江上酒酣浩歌聲播江上水鳥皆驚起伯渾飲至斗許予素不善飲亦不覺大醉夜且半舟始發去至平羌酒解得大軸于中舟則伯渾醉書紙窮墨燥如春籠奮蟄奇鬼搏人何其壯也後四年伯渾得疾不起予懷祖集伯渾文章移書走八千里乞予爲序嗚呼伯渾

古文奇賞 卷二十二

十六

自少時名震秦蜀東被吳楚一時高流皆尊慕之願與交方宣撫使臨邊圖復中原制置使并護梁益兵民皆巨公大人聞伯渾名將聞於朝而卒爲忌者所沮夫伯渾旣決不肯仕卽無沮者不過有司歲時奉粟帛牛酒勞問極則如孔叡徐復輩散人號書其事於史而已於伯渾何失得而忌已如此鄉使伯渾出而事君爲卿爲公則忌者當益衆排擊沮撓當不遺力徒比景輸左校殆未可知安得如在眉山躬耕婦織放意山水優游以終天年耶則伯渾不遇未見可憾或曰伯渾之才氣空海內無與比其文章英發鉅

麗歌之清廟刻之彝器然後爲稱。今一不得施。顧而
爲山巔水涯。娛憂紆悲之言。豈不可憾哉。予曰。是則
有命識者爲時惜。不爲伯渾歎也。

感慨悲壯

跋陳伯正所藏山谷帖

此卷不應携在長安逆旅中。亦非貴人席帽金絡馬
傳呼入省時所觀。程子他日幅巾筇杖渡青衣江相
羊喚魚潭瑞草橋清泉翠樾之間。與中山人共小巢
龍鶴菜飯。掃石置風爐煮蒙頂紫苗。然後出此卷共
讀乃稱爾。

古文奇賞 卷二十二

清麗

祭顏光祿文

宋 王僧達

維宋孝建三年九月癸丑朔十九日辛未王君以山
羞野酌敬祭顏君之靈嗚呼哀哉夫德以道樹禮以
仁清惟君之懿早歲飛聲義窮幾彖文蔽班揚性行
剛潔志度淵英登朝光國實宋之華才通漢魏與浹
龜沙服爵帝典棲志雲阿清交素友比景共波氣高
叔夜嚴方仲舉嵇康逸翮獨翔孤風絕侶流連酒德
嘯歌琴緒游顧移年契濶宴處春風首時爰談爰賦
秋露未凝歸神太素明發晨駕瞻廬望路心悽目眩
情條雲互情緒忽亂如雲之互變也京陰掩軒娥月寢耀微燈動
嶠古來共盡牛山有淚非獨昊天殲我明懿以此忍
哀敬陳奠饋申酌長懷顧望歔嗚呼哀哉

古文奇賞

卷二十二

又七

四字亦奇

三高亭序

宋 范成大

三高者越上將軍姓范氏爲鴟夷子皮晉大司馬東
曹掾姓張氏爲江東步兵唐贈右補闕姓陸氏爲甫
里先生三君不並世而鴟夷子皮又嘗一用人之國
名大功顯而去之李膺智望蕭然矍儒使有爲于當
年其所以成就固不可渝度要皆得道見微脫屣天刑
清風峻節相望于松江大湖之上故天下同高之而
吳江之邑人獨私得奉蒸嘗以夸于四方若曰吾東
家丘云爾邑大夫趙伯虛勤勞其邑百廢具舉以故
祠爲陋將改作于是歸老之士鄉老王份獻其地雪

古文奇賞

卷二十二

十八

灘左具區右笠澤號稱絕勝乃築堂于其上告遷于
像而奠焉又屬石湖郡之范成大爲之詞噫不有君
子其能國乎今乃自放寂寞之濱掉頭而弗顧人又
從而以爲高豈盛際之所願哉後之人高三君之風
而跡其所以去爲世道計者可以思思過半矣至于
豪傑之士或肆志乎軒冕晏安流連卒悔于後者亦
將有感于斯堂然屈平旣從彭咸而桂叢之賦猶召
隱士疑若幽隱處林薄不灰而仙况如三君蟬蛻溷
濁得全于天者嘗試倚楹而望水光浮空雲日下上
風颿烟蓬飄忽晦明意必往來其間其何足以知之

得全于天
一幅高士
圖

初龍可伯康游京師輩飲市肆方叫呼大噱趙九齡次張旁行過之雅與伯康不相識俄追止次張牽其臂迫與共飲次張之父時守官河東方以疾聞次張以實告伯康曰毋苦乃翁疾行瘳矣予可人意者爲我姑少留次張不得已從之箕踞笑歌恢諧縱諱傍若無人次張固已心異一日行城外過麻村觀大閱之所伯康勃然曰予亦喜射乎次張曰頗亦好之而不能精也伯康曰姑試之次張從旁取弓挾矢以與十發而貼中者六七次張心頗自喜伯康捨矢而射

一發中的矢矢相屬十發無一差者次張驚曰子射至此乎伯康曰此亦何足道千軍萬馬頭目轉動不常意之所指猶望必中况此定的又何怪乎次張吐其舌不能收俄指其地而謂次張曰後三年此間皆胡人子姑識之火龍騎日飛雪滿天此京城破日之兆因嘻吁長歎不能自禁後三年京師失守其言皆驗中原流離伯康自是不復見矣豈喪亂之際或歿于兵抑有所奮而不能成也次張每念其人言則歎惜紹興初韓世忠拒虜于淮西力頗不敵次張獻言乞決淮西之水以灌虜營朝廷易其言而不之信已

而虜師俄退世忠力請留戰虜酋使謂曰聞南朝欲
夾水以灌我營我豈能落人計中次張言雖不用猶
足以攻敵人之心者類如此次張嘗爲李丞相所辟
得承務郎督府罷次張亦徑歸大駕南渡次張僑居
陽羨故將岳飛營隸丞相軍中次張識其人於行伍
言之丞相給帖補軍校後爲統制遇大駕巡永嘉與
諸將徬徨江上莫知攸適又乏糧將謀抄掠次張聞
而竟往說飛移軍陽羨州給之食飛得無他而州境
賴焉人有言次張生平于趙丞相者丞相喜欲用之
復有譖者曰此人心志不可保使其得志必爲曹疑

丞相疑沮而止次張度時不用屏居不出竟歿昔叅
政周公葵屢爲予言其人且曰我嘗薦之朝廷諸公
皆詰我子端人正士胡爲余言此等狂生我因告之
曰吾儕平居譚王道說詩書一日得用從容廟朝執
持紀剛可也至于排難解紛倉卒萬變此等殆不可
少吾儕旣不能辨而惡他人之能辨之誣天下以無
士而期國事之必不成也是烏可哉余嘗大周公之
言異二生之爲人而惜其屈嘗欲傳其事而不能詳
因歎曰世之豪偉倜儻之士沉没于困窮不能自奮
以爲世用欲用而卒沮于疑忌如二生者寧有限哉

然自古亂離戰爭之際往往奇才輩出嶄然自赴功名之會如建炎紹興之間誠亦不少雖或屈而不用用不大大或不終未十四年已有不能道其姓字者記事之文可少乎哉自是始欲纂集異聞爲中興遺傳然猶恨聞見單寡欲從先生故老詳求其事故先爲之纂例而以漸足之

二烈女傳

烈女杜氏永康大姓女也生而端莊且麗宣和庚子冬妖臘起所在嘯聚相剽殺里有悍賊輩謁杜氏門大言曰以女遺我卽不肯今族汝矣其家驚泣欲與

古文奇賞

卷二十一

二十五

則不忍不與禍且及言于女女曰無恐以一女易一家曷爲不可待我浴而出趣具湯其家以告賊相與謹笑以俟旣浴取鏡沐朱粉具衫衣盡飾俄登几而立縻帛于梁而圜其下度不容冠抽之籠其首整髮復冠迺歿其家追遽號噉賊聞亦驚捨去嗚呼學士大夫遭難不屈者萬或一見焉而謂女子能之乎方杜氏之不屈以歿猶未足難也獨其雍容處歿而不亂無異乎子路之結纓是其難也不可及也陳子曰余世家永康去杜氏不十里許余雖不及目其事大父母屢爲余言如此雖古之烈女何以進焉余旣傳

同甫云每
念及此或
推案大呼
或悲淚塊
應或髮上
衝冠或捫
堂大笑

其事以示余友應仲實仲實因爲余言宣和辛丑官
軍分捕賊所過乘勢抄掠道永康將之縉雲及境富
民陳氏二女并爲執揮其刃於旁曰從我我婦之否
者歟長女不爲動掠髮伸頸請受刃官軍斫之次女
竟污焉後有諗之曰若獨不能爲姊所爲乎次女慘
然連言曰難難世之喜斥人者必曰兒女態陳杜之
態亦兒女乎人之落患難而兒女者事也卽縱辭自
解昂然有得色視陳氏次女已愧他又何說仲實得
之胡先生經仲二君謹言君子也余是以志之

公自贊云其服甚野其貌亦古倚天而號提劍而

古文奇賞

卷二十二

三十三

舞。惟稟性之至愚故與人而多忤歎朱紫之未服
漫丹青而描取遠觀之一似陳亮近眦之一似同
甫未論似與不似且說當今之世孰是文中之龍
文中之虎

送秦少章赴臨安簿序

張耒

詩不云乎蒹葭蒼蒼白露爲霜夫物不受變則材不成人不涉難則智不明季秋之月天地始肅寒氣欲至方是時天地之間凡植物出于春夏雨露之餘華澤充溢支節美茂及繁霜夜零旦起而視之如戰敗之軍卷旗棄鼓囊瘡而馳束手無人色豈特如是而已於是天地閉塞而成冬則推敗拉毀之者過半其爲變亦酷矣然自是弱者堅虛者實津者燥皆斂藏其英華於腹心而各效其成深山之木上撓青雲下庇于人者莫不病焉况所謂蒹葭者乎然匠石操斧

古文奇賞

卷二十二

三十三

以遊于林一舉而盡之以充棟梁楹杙輪輿輶輻巨細強弱無一不勝其任者此之謂損之而益敗之而成虐之而樂者是也吾黨有秦少章者自余爲太學官時以其人章示余傲然告我曰惟家貧奉命于大人而勉爲科舉之文也異時率其意爲詩章古文往往清麗奇偉工於舉業百倍元祐六年及第調臨安主簿舉于中第可少樂矣而秦子每見余輒不樂余問其故秦子曰余世之介士也性所不樂不能爲言所不合不能交飲食起居動靜百爲不能勉以隨人而○頌○方○是○道○今一爲吏皆失已而惟物之應少自偃蹇禍悔響至

異時一身資養於父母。今則婦子仰食于我。欲不爲
吏亦不可得。自今以往。如沐漆而求解矣。余解之曰。
子之前日春夏之草木也。今日之病子者。蒹葭之霜。
也。凡人性惟安之求。夫安者天下之大患也。遷之爲。
貴重耳。不十九年於外。則歸不能。霸子胥不奔。則不。
能入郢。二子者。其羈窮憂患之時。陰益其所短。而進。
其所不能者。非如學于口耳者之淺淺也。自今吾子。
思前之所爲。其可悔者衆矣。其所知益加多矣。反身。
而安之。則行于天下無可憚者矣。能推食與人者。嘗。
饑者也。賜之車馬而辭焉者。不畏徒步者也。苟畏饑。
而惡步。則將有苟得之心焉。爲善不已多乎。故隕霜。
不殺者。物之災也。逸樂終身者。非人之福也。元祐七。
年仲春十一日書。

此文能豈起懦夫

張來字文潛。淮陰人。幼穎異。十七時作函關賦。遊。
學于陳學官蘇轍。愛之。因得從。軾遊弱冠。第進士。
歷起居舍人。紹聖初。請郡。以直龍圖閣知潤州。坐。
黨籍。徙宣州。謫監黃州酒稅。徙復州。徽宗立。召爲。
太常少卿。甫數月。復出知穎州。汝州。崇寧初。復坐。
黨籍。落職。主管明道宮。初。未。在。穎。聞。蘇。軾。計。爲。舉。

哀行服言者以爲罪遂取房州別駕安置於黃五年得自便居陳州未筆力絕健於騷詞尤長誦人作文以理爲主常著論云知文而不務理求文之工世未嘗有也夫決水於江河淮海也順道而行滔滔汨汨日夜不止衝砥柱絕呂梁放於江湖而納之海其舒爲滄漣鼓爲波濤激之爲風颺怒之爲雷霆蛟龍魚鼈噴薄出沒是水之奇變也水之初豈若是哉順道而決之因其所遇而變生焉溝瀆東決而西塌下滿而上虛日夜激之欲見其奇彼其所至者蛙蛭之玩耳江河淮海之水理達之

文也。不求奇而奇至矣。激溝瀆而求水之奇。此無見於理而欲以言語句讀爲奇。反覆咀嚼卒亦無有文之陋也。學者以爲至言作詩晚歲亦務平淡效白居易體而樂府效張籍久於投閒家益貧郡守翟汝文欲爲買公田謝不取晚監南嶽廟主管崇福官卒年六十一建炎初贈集英殿修撰

極奇絕点
兼其大莊

李伯時效唐小李將軍爲著色泉石雲物草木花竹
皆妙絕動人而人物秀發各肖其形自有林下風味
無一點塵埃氣不爲凡筆也其烏帽黃道服投筆而
書者爲東坡先生仙桃巾紫裘而坐觀者爲玉晉卿
幅巾青衣據方機而凝竚者爲丹陽蔡天啓提倚而
視者爲李端叔後有女奴雲鬢翠飾侍立自然富貴
風韻乃晉卿之家姬也孤松盤鬱後有凌霄纏絡紅
綠相間下有大石案陳設古器瑤琴芭蕉圍繞坐于
石盤旁道帽紫衣右手倚石左手執卷而觀書者爲

古文奇賞 卷二十二

二十六

蘇子由團巾繭衣手秉集筵而熟視者爲黃魯直幅
巾野褐據橫卷畫淵明歸去來者爲李伯時披巾青
服撫肩而立者爲晁無咎跪而捉石觀畫者爲張文
潛道巾素衣按膝而撫視者爲鄭靖老後有童子執
靈壽杖而立二人坐于盤根古檜下幅巾青衣袖手
側聽者爲秦少游琴尾冠紫道服摘阮者爲陳碧虛
唐巾深衣昂首而題石者爲米元章袖手而仰觀者
爲王仲至前有鬚頭頑童捧古視而立後有錦石橋
竹筵繚繞于清溪深處翠陰茂密中有袈裟坐蒲團
而說無生論者爲圓通大師傍有幅巾褐衣而諦聽

者爲劉巨濟二人並坐于怪石之上。下有激湍深流。於大溪之中。水石潺湲。風竹相吞。爐煙方裊。草木自馨。人間清曠之樂。不過于此。嗟乎。洵湧于名利之域。而不知退者。豈易得此耶。自東坡而下。凡十有六人。以文章議論博學辨識。英辭妙墨。好古多聞。雄豪絕俗之資。高深羽流之傑。卓然高致。名動四夷。後之覽者。不獨圖畫之可觀。亦足彷彿其人耳。

西園一集儼然未散

圖即記即固知

襄陽筆意
勝于伯時

淨名齋記

帶江萬里十郡百邑。綠山爲城。臨流爲隍。者惟吾丹

古文奇賞

卷二十二

二十七

徒重樓參差巧。若圖剏地靈極倪。而雲霞出沒。星辰挂腹。而天光不夜。高三景小萬有者。惟吾甘露。東北極海野西南朝。數山者謂之多景。然臺殿羽張寶堵中盤五州之後。與西爲阻。若夫東眺京峴。西極栖霞。平林坡陀。淮海之域。遠岫隱見。淙泗之封。洪流東擢。白沙之雲濤如線。大磧南絕。中漈之巖。屬蔚起。筆山之隙。峒峩雙聳。五州之外。嶒嶸千疊。黃鶴寶勢珠。捧于豆。長山異氣龍。盡于天。晨曦垂虹。時媚于左。長庚織月。每華其右。千林霜落。萬嶺雪饒。春羣于西。秋而秋。留於南。巘者。惟吾淨名。天下佳山水固多矣。在東

宋文多不
正於練此
猶天半削
美若

嘗到杭州
湖處只尋
曲折少耳
自唐以來
皆然矣

南則枕以湖山彰其境。洪以西山彌其望。潭以岳麓
周其區。皆一山也。而望兩邦。逮窮荒。迢遞發周羽皇
之歎者有之矣。百川滙流而赴北。旣濬旣澗。亦沃亦
蕩也。多山引嶺而趨東。且列且驅。各群各醜也。吾齋
在萬井之中。半天之上。乃右卷而一揖焉。此其所以
得山川之多。而甲天下之勝也。至若水天鑑湛。而博
望弭槎。茂葦榔鳴。而詹何投餌。洪鍾動而飛仙下疾。
鸞舉而連山湧地。祇聽法水。怪効珍或。鵬雲壓山海。
氣吞野織雲。漏月清籟。韻松舟羅蜜。而靈光生。陰霧
合而大震走。瑰奇忽悅。又不可得而詳言之。襄陽米

古文奇賞

卷二十二

三十八

元章將卜老丹徒。而仲宜長老以道相契。會內閣蔣
公穎叔以詩寄云。京城汨波典。如何歸棹翩翩返。薛
蘿盡望生涯寄。京口滿床圖籍鎖。巖阿六朝人物東。
流盡千古江山北。固多爲借文殊方丈地。中間容取
病維摩。於是宜公以其末句命名。予居亦冀公之與
予同此樂也。念老矣無佳句。壓其勝。後之登吾齋。攬
吾勝者。得不爲吾賦乎。

予以建中辛巳歸趙氏時丞相作吏部侍郎家素貧
儉德甫在大學每朔望謁告出質衣取半千錢步入
相國寺市碑文果實歸相對展玩咀嚼後二年從官
便有窮盡天下古文奇字之志傳寫未見書買名人
書畫古奇器有持徐熙牡丹圖求錢二十萬畱信宿
計無所得捲還之夫婦相向惋悵者數日及連守兩
郡竭俸入以事鉛槧每獲一書卽日勘校裝緝得名
畫彙器亦摩玩舒卷摘指疵病盡一燭爲率故紙札
精緻字画全整冠于諸家每飯罷坐歸來堂烹茶指

古文奇賞

卷二十二

二十九

堆積書史言某事在某書某卷第幾葉第幾行以中
否勝負爲飲茶先後中則舉否大笑或至茶覆懷中
不得飲而起凡書史百家字不列缺本不誤者輒市
之儲作副本靖康丙午德甫守淄川聞虜犯京師盈
箱溢篋戀戀悵悵知其必不爲已物建炎丁未奔太
夫人喪南來旣長物不能盡載乃先去書之印本重
大者畫之多幅者器之無款識者已又去書之監本
者画之平常者器之重大者所載尚十五車連臚渡
淮江其青州故第所鎖十間屋期以明年具舟載之
又化爲煨燼已酉歲六月德甫駐家池陽獨赴行都

自岸上望舟中告別予意甚惡呼曰如傳聞城中緩急奈何遙應曰從衆必不得已先棄輜重次衣衾次書冊次卷軸次古器獨宗器者可自負抱與身俱存。勿忘之。徑馳馬去。秋八月德甫以病不起時六宮往江西予遣二吏部所存書二萬卷金石刻二千本。先往洪州至冬虜陷洪遂盡委棄所謂連艦渡江者。又散爲雲烟矣。獨餘輕小卷軸寫本李杜韓柳集世說鹽鐵論石刻數十副軸鼎彝十數及南唐書數篋。偶在臥內巋然獨存。上江旣不可往乃之台溫之衢之越之杭寄物於嵎縣庚戌春官軍收叛卒悉取去。

古文奇賞

卷二十二

三十

入故李將軍家巋然者十失五六猶有五七篋挈家寓越城一夕爲盜穴壁負五篋去盡爲吳說運使賤價得之僅存不成部帙殘書策數種忽閱此書如見故人。因憶德甫在東萊靜治堂裝標初就芸籤縹帶束十卷作一帙日校二卷跋一卷此二千卷有題跋者五百二卷耳。今手澤如新墓木已拱乃知有有必有無有聚必有散亦理之常又胡足道所以區區記其終始者亦欲爲後世好古博雅者之戒云。

李易安字清照東武趙明誠德甫清憲丞相仲子

之妻也

建炎元年奏

宋宗澤

十五年泥
瀕絕國醫
指點

臣伏見我國家承平幾二百年數世戴白之老不識
兵革上下恬嬉猶夷度日不復以權謀戰爭爲念乃
以賊虜誕謾爲可憑信朝廷恬視不少置疑不惟不
曾教人坐作進退擊刺挽射之伎俾嚴攻討其間有
實欲賈勇思敵所愾之士大夫不以爲狂則以爲
妄因循苟且以致賊虜顛越不恭遂有前日之禍臣
不勝憤恨然茲非賊虜之能也皆由亾誠實之士鼓
唱驕逸率以欲跡逃避曲辱不耻爲智爲勇耳萬一
有慷慨論列則掩耳不聽別造佞說以相浮動茲無

古文奇賞 卷二十二

三十一

札書請書
無所不可

他大抵只欲助賊張皇聲勢直爲我祖宗一統基業
更不當顧藉直兩手分付與賊虜耳嗟乎何不忠不
義之甚也臣每思念涕泗交下繼之以血此天地神
明之所昭鑒臣恭惟淵聖皇帝靖康之初信此和議
俾賊大獲而歸去冬與今春夏賊虜猖獗大臣柔邪
諛佞蓄縮畏避者不敢略有拒抗語但詭譎爲誠實
包藏爲智謀緘默爲沉鷺遂致二聖蒙塵后妃親王
與無辜之人流離北去想陛下龍潛濟鄆嘗親聞見
張邦昌耿南仲輩所爲也陛下入繼大統卽將前主
和議者竄之嶺外使天下寃抑之氣一旦舒快自後

臣竊聞陛下日與二三大臣論思講畫必欲大雪我
廟朝之耻。激勵卒伍。勤率義仕。俾思勦絕。以正夷夏。
不意陛下復聽姦邪之語。又浸漸望和。迂回曲折。爲
退走計。臣願陛下試一思之。陛下初陞位。何故以講
和爲非。遂當時議臣。陛下近日又何故只信憑姦邪。
與賊虜爲他日之畫。營繕金陵。迎奉元祐太后。仍遣
省官迎奉太廟木主。棄河東河西河北京東京西淮
南陝右七路千百萬生靈。如糞壤草芥。略不顧恤。比
賊虜遣姦狡小醜。假作使。僞楚爲名。來覘我大宋虛
寔。臣諫如是。因納諫狀與雷守范。納乞收賊虜奉使。

古文奇賞 卷二十二

三十一

謹啟哉

有力戰之
士而不肯
與可委耳

之人。置之牢。往奏取朝庭指揮。庶激軍民士庶懷寃
之心。俾肯力戰。仰贊陛下再造王室中興大宋基業
之意。今却令遷置別館。優加待遇。臣奉此詔。命憂思
涕泣。心欲折灰。不知二三大臣何爲干賊虜情款。如
是之厚。而于我國家許謨如是之薄。臣每思京師人
情物價。漸如我祖宗時。若鸞駕一歸。則再造之功。與
中興之烈。必赫奕宏大。跨商周而越漢唐矣。何姦邪
之臣。尚狃和議。皇惑聖聰。伏望陛下察之。臣之樸愚
不敢奉詔。以彰國弱。此我大宋興衰治亂之機也。臣
願陛下思之。陛下果以臣言爲狂。願盡賜褫削。投之

瘴烟遠惡之地以快姦邪賊臣之心不勝痛憤激切
之至臣籍蕞闕下以俟誅戮

遺表

建炎二年七月

激烈之腸
如此狹窄
不迎

心期許國每輸扶厦之忠。死不念君。猶積戀軒之意。
魂魂將離於形體。精忱願達於冕旒。中謝伏念臣猥

以朴忠受知淵聖。擢自困躓。羈窮之際。付以寇虜往
來。衝適遇陛下出總元戎。察臣精著勞效。坐籌密
計。俾臣得預屬僚。逮夫踐祚之初。首錄孤危之迹。寇
攘未泯。暫爲淮南之巡。宗廟斯存。委守晉司之鑰。力
小任重。志大心勞。誓殄羯胡。再安王室。但知懷土。甘

古文奇賞

卷二十二

二十三

委命於鴻毛。無復偷生。期衰尸於馬革。夙宵以繼寢
食。靡寧斯民。獲奠枕之安。胡馬無飲河之意。事爲紛
至。屢勉惟多。回視頽齡。已迫桑榆之晚景。益堅素節。
每期松栢之後彫。豈謂餘生。忽先朝露。尚扶病而治
事。敢愛已以顧私。陰陽之寇。海深藥石之功。莫效少
延。殘喘庶畢。願言昨有招安到。楊進等約其衆多。無
慮百萬。昔嘗爲寇。頗聚衆以震師。今已革心。欲爲國
而戡難。足踵道踏雲。集都城。已涓吉而戒塗。擬成功
於指日。于戈未舉。舟壑忽移。神爽飛揚。長抱九泉之
恨。功名卑劣。尚貽千古之羞。仰憑睿眷之深。必無生

口重其疏
決不迫知
卷到極弊
處卽莫
不傷矣

大元制世民物一新。宋室逋臣，只欠一死。上天降才，其生也有日，其死也有時。某願一死全節久矣。所恨時未至耳。大元慈仁如天，不妄殺一忠臣義士。雖曰文天祥被姦民誣告而枉死，後來寃狀明白，姦民亦正典刑，其待亡國之逋臣，可謂厚矣。某雖至愚極闇，豈不知恩所以寧爲民，不爲官者。忠臣不事二君，烈女不更二夫。此天地間常道也。有伊尹之道，有伊尹之志，則何事非君。何使非民。若伯夷、柳下惠，則自知不能爲伊尹，決不敢學伊尹矣。自丙戌程御史將隆

古文奇賞

卷二十二

三五

旨宣喚之意。今第五次蒙大元以禮招徠，上有堯舜下有巢由，上有成湯下有隨光，上有周武下有夷齊。其所以效虞人之死而不往，願學夷齊之死而不仕者，正欲使天下萬世知大元之量可與爲堯舜，可與爲湯武，能使謝某不失臣節，視死如歸也。茲蒙大叅相公拘管周先生道院，日夜榮動錄事司吏卒十餘人及坊正屋主監守，豈非憂某之逃走耶。某是男兒，死卽死耳，不可爲不義屈。何必逃走。大叅相公憂慮亦太勞矣。先民有言：慷慨赴死，易從容就義難。某茲蒙大叅相公縲紲而到大都，以縲絰見留，忠齊諸公

且問諸公容一謝某聽其爲大元間民于大元治道何損殺一謝某成其爲大宋歿節于大元治道何益只恐前誤大宋後誤大元上帝監觀必有報應諸公自無面目立于天地間某母喪未葬據禮經不可除服只當縗經見公卿凶服不可入君如大元有命當歷寫江南官吏貪酷生靈愁苦之狀作萬年書獻陛下下一聽進退忠臣不事二君烈女不事二夫此其書中第一義也某自九月十一日離嘉禾卽不食烟火今則并勺水一果不入口矣惟願速歿與周夷齊漢龔勝同垂青史可以愧天下萬世爲臣不忠者茲蒙

願賜仰見禮士之盛心某聞之食人之粟者當分人之憂衣人之衣者當任人之勞乘人之車者當載人之難某旣以歿自處度此生不能報答恩遇矣義不敢拜受所以鈞翰臺餽事件盡交還來使回納使帑外郎又傳鈞旨云欲訪問某何事某初志亦願效一得之愚今則決不敢矣魯有公甫文伯歿其母敬姜不哭室老曰焉有子歿而不哭者夫其母曰孔子聖人也再遂于魯而此子不能從今其歿也未聞有長者來內人皆行哭聲閨中自殺者二此子也必于婦人厚而于長者薄也吾所以不哭君子曰此言出于

母之口不害其爲賢母也。若出于婦人之口，則不免爲妬婦矣。言一也。所居之位異，則人心變矣。其義不出任者也。今雖有忠謀奇計，則人必以爲妬婦矣。恐徒爲天下所笑，惟相度容之。

却聘書

夷齊雖不仕周食西山之薇，亦當知武王之恩。四皓雖不仕漢茹商山之芝，亦當知高帝之恩。况蒸藜含糲于大元之名地，于大元之赦，其屢矣。其受大元之恩亦厚矣。若效魯仲連蹈東海而死，則不可。今旣爲大元之游民矣，莊子曰：呼我爲馬者，應之以爲馬。呼

古文奇賞

卷三十一

三七

我爲牛者，應之以爲牛。世之人有呼我爲宋之逋播臣者，亦可呼我爲大元遊惰民者，亦可呼我爲宋頑民者，亦可呼我爲大元之逸民者，亦可爲輪爲彈與化往來。蟲臂鼠肝，隨天付予。若貪戀官爵，昧于一行。縱大元仁恕天涵地容，哀憐孤臣，不忍加戮，其有何面目見大元乎？某與太平草木同沾聖朝之雨露，生稱善士，死表于道。曰宋處士謝某之墓。雖死之日而生之年，感恩感德，天實臨之。司馬子長有言：人莫不有一死死或重于泰山，或輕于鴻毛。先民廣其說曰：慷慨赴死，易從容就義。難公亦可以察某之心矣。

賀吳丞相革啓

宋 文天祥

今言路之不通。最爲天下之大弊。縉紳以開口爲事。城闕以游談爲危機。如入一家情睽離而衆侮。如入四體氣壅底而百病生。多故之由。一類諸此。枰更子改。柁轉舟移。惟從衆謀。可以合天心。惟廣忠益。可以布公道。盡解群疑。衆難之會。克有榮名。成功之休。其惟我公。望在今日。某瞻依有素。慕戀惟深。適造闕以戒嚴。脊揚庭而增拊。以書上光。範先伸賀。履之私于人。見歐陽行展。摠衣之敬。其爲懇切。罔旣敷宣。

古文奇賞

卷三十二

三八

賀曹尚書孝慶兼給事中啓

選高春伯光。映夕郎劍履。摩雲煥清朝之文物。簪裾照日。侈丹地之恩輝。鼓舞風雷。動搖鴛鴦。恭惟某官。名高二陸。才備百參。風雲上下之交。揭呵龍虎。天日清明之瑞。鞭駕鳳皇。春行霄漢之三。麾星煥江湖之四。節蘭臺壁水。安定龜山。彤管青蒲。歐陽司馬。出袖磨霜之鉞。浩吟捲雨之簾。階轉松陰。旗翻柳色。白馬盤陀之覲。日紫囊筆橐之生風。矧批勅瑣闥。任朝廷之綱紀。而侍言經幄。啓帝學之光明。用頒一命。再命三命之榮。特懋大書。特書屢書之績。卻高麗使。止西

驂馬讀青史而猶香。還諫臣勅。繳內侍官。稟清游其
未遠。必兼廣申公之十論。必細陳溫國之王規。要看
久遠之功名。盡展平生之經濟。其濫巾遠服。望履層
霄。星度文昌。遙想蓬萊宮之氣雲。行如鏡尚磨蛟龍
字之碑心。曲葵葵毫端艸艸。

賀趙侍郎月山啓

選表揚綸歸中持蒙來石洲之明月光照海山通明
殿之紅雲影搖河漢介圭觀只會弁驩如恭惟某官
玉粹金剛冰縣雪跨清廟生民之作膾炙諸公于將
莫邪之鋒指麾餘子自倚天而行斗牛之渚便拔地

古文奇賞

卷二十一

三十九

而起湖海之樓。出入兵間。月柝燈碁之耿耿。驅馳江
上。參旂并鉞之堂堂。儒臣知兵。從古所少。天子謀帥
必在其中。方建燾而前十軍。迭帳而不動。及還笏而
去。二童隨馬。而有餘悠悠。四顧於山河落落。一麾於
江海嘯吟。水石醅。謫仙捉月之塊。上下風檣。訪舍人
麾軍之迹。慨然有神州陸沉之歎。發而爲中流擊楫
之歌。屬傳風景於峴山。忽駭波濤於天塹。長江爲備
不數處。可共險於敵人。朝廷養兵三十年。當成功于
儒者。乃疇庸于東掖。乃趣貳于西曹。大乙靈旗出陪
貂尾。鈎陳玉檻進逼鼉頭。青天白日。鳳皇之聲名。高

山澤林龍虎之氣。勢前行爲兵部。小紓帷幄之謀。大本在中書。亟正鈎樞之拜。某濫巾劇部。望履修門。班漢從于甘泉宮。喜稱知己。勒唐切于浯溪石。已戒有司。

謝何樞密夢然啓

范質傳衣會後。和公之遇。仲淹入館。復蒙元獻之知。使諸公而與同升。豈門生而不知報。輒伸下悃。庸叩中樞。伏念某石室孤寒。青原落魄。幼被家庭之訓。頗欲得其本心。長讀聖賢之書。初忝補于當世。從事一研起身。諸生偶持觚翰于南宮。獲遇鑑衡于北面。鸞

鳳杞梓。舉集權公之門。欸畧駑駘。誤登伯樂之廐。名姓雖塵于函丈。足跡未造于仞墻。山斗之望。彌久而彌穹。畎畝之蹤。愈疎而愈隔。閉門自守。知尚口之乃窮。遜世無求。惟觀願而自養。凡竊祿奉祠之日。皆省身念咎之嘗。承明之廬。著作之庭。未嘗意想。宋寔之濱。寬閒之埜。遽拜寵光。胡爲乎來哉。是有其故矣。想木天之清峻。望丹池以凌競。顧非麒麟鸞鷲之莫。其如亥豕魯魚之謬。深有慙于負乘。敢自己于循墻。茲蓋恭遇某官名世。鉅公清朝。良弼持樞。贊化共調。傳鼎之梅。報國薦賢不種。狄門之李。遂令公選。亦及凡

材其敢不勉企前修格持素節就中書而見座主將
求一介之先容以進士而爲名臣尚賴終身之保任

謝江樞密古心啓

領祠官之香火敢望彈冠掌冊苑之丹鉛誤蒙推轂
薦非由于識面事真可以語人頂踵銜恩額首奉記
切以觀遠臣以所主孟子以言進退之間遇大賢而
相知韓公以爲遭逢之盛蓋受恩非天下所少而知
已得君子爲難乃若初無左右之先容獨受門墻之
隆遇此古道之相與尤人生之至榮伏念某執經而
後承恩以來念景行在四海之達尊而科第非終身

古文奇賞

卷二十二

之能事頗欲自拔于常人之類庶幾無負于上帝之
衷頃趣闕下之時適際江干之警主憂臣辱念我生
之不辰外阻內訌緊禍至之無日因拊躬而思奮遂
投匭而獻言當時破腦而刳心何啻焦頭而爛額有
倉卒等死之慮無毫髮近名之心六大息之陳豈曰
賈生少年之過三千字之獻幸寬郇謨東市之誅逮
時事之旣平滋人言之無劇小體者戚其失措好事
者高其得名痛痒亡知者以文采爲賢操挾不正者
以譁競爲誕匪躬之故俱莫諒于初心尚口乃窮嗟
難行于直道旣奉祠而竊祿端閉門而讀書未可與

俗人言姑。盡我分內事。不謂見知於長者。遂勤延譽於諸公。承明之廬。著作之庭。未嘗夢想。宋寔之濱。寬閒之墊。遠沐寵光。非華袞有一字之褒。何敝帚增千金之重。雖深慙於負乘。然幸出於鈞陶。求堅乃心。欲報之德。茲蓋伏遇某官清朝碩望。昭代真儒。胸中括石渠。東觀之藏。海內仰天球。河圖之瑞。瞻惟世道深屬我公。整頓乾坤。共屹江流之柱。獻納日月。入旋斗極之樞。非徒耀不老之功。名將有意。太平之禮樂。凡今小往大來之會。皆前推後挽之功。遂使疎庸例叨拔擢。某敢不力持素節。勉企前修。稱彥博於都堂。幸借郇公之譽。薦仲淹於館職。敢忘元獻之知。

古文奇賞

卷二十二

四十二

通董提舉克齋啓

魏闕揚綸。能湘授庾。刺史二千石。雲渡錦河。天囷十三星。春浮絲隰。六條先曉。一道生風。恭惟某官。闕閱雲霄。樓高湖海。阻金石諧韶。濩音振蓬萊。踞虎豹。登虬龍。氣摩鴈蕩。清泚三蘇之穎水。崢嶸二陸之象山。自崑丘鳳穴之鳴。鄒卽溟海。鵬雲之增。翮上下浙江之明月。早透金閨。翱翔輦路之春風。曉聽金鑰。灑灑清都之人物。颺飄碧落之神仙。張垂崖斬叛卒于益州。騷動之餘。富鄭公活飢民于青社。荒殘之後。匱書

選表環召歸班大府上士之清聯帝恩前席常平使
者之新轡公念南湘以醴泉芝艸之春爲芳芷杜蘅
之澤九郡顒顒而望賜四牡業業以戒嚴霜飛暑路
旗展春山已搖翠岳烟俯袞龍日臨仙掌遣侍紅雲
某夙出年盟今諧鄰好萬里風雲之天濶一襟草木
之味同祝融山外之芙蓉肅迎紫氣泰華峰頭之冰
雪佇沐清風

回朱約山餽歲啓

一壑栖遲不覺歲年之晚五雲飛墜頓生草木之春
分四老之玉塵起初平之白石某官陽着物壽極當
古文奇賞 卷二十二 四十三

霄門有垂車換桃符之新句庭多戲彩沸竹爆之驩
聲猶推椒柏之芳馨散作茅茨之光寵某肅登嘉貺
祇佩盛心歎巷北之椰榆吾痴未醒祝樽前之強健
翁醉何妨

回黃主簿啓

伏以春華如水驚三紀之流光夏綠滿園又一年之
初度方拾薪而煑濕卽嚼茗而蘸花敢意一謙有來
多貺厚之厨珍以起其牢落將之篋實以申其殷勤
童喜相誇爲里中之羊酒兒痴不了笑門外之桑蓬
拜而受之我之懷矣輪囷感臆拍塞謝言

回趙宰啓

三載淵明幸相望于五柳今年潘岳覺已見于二毛
懷我好音賁予初度愛之欲其生也忠焉能勿誨乎
一雀自隨約青山于未老雙鳧何許感流水之相知
回謝教授愛山書

寒簷積雨。抖擻亡悰。得書而讀之。昏眼爲拭。某落落
白雲間。一疇春綠。自飯吾犢。浮世榮辱事。付之山外。
褒借所蒙。君言多矣。然醴露濃郁。波及溝壑。企瑞芝
而遐眺。佩金蘭之永好也。美人一方。琴書自適。爲誦
停雲三過。

古文奇賞

卷二十二

四四

約山行書

比及門卽拜狀聞車騎在郊外正欲嗣訊韓星忽來
偉然朶雲之贈故人渠渠勞苦行役諸兒那識此意
曉起入山新流沒岸碁聲未盡石骨依然人生往往
如此盈虛消息道體流行仁者謂仁智者謂智超然
一笑承有訪剡之約上已前後擬山行數日須主人
在竹所方可乘興分沙一席已戒白鷗退避矣呼燈
走筆馳意沉寥

告先太師墓文

維己卯五月朔越二十有六日孝子祥自嶺被執至

予選古文
始於眉齋
於文一理
泄一氣也

南安軍謹具香幣遣人馳告于先太師革齋先生墓
下烏乎人誰不爲臣而我欲盡忠不得爲忠人誰不
爲子而我欲盡孝不得爲孝天乎使我至此極耶始
我起兵赴難勤王仲弟將家道于南荒宗廟不守遷
我異疆大臣之誼國亡家亡靈武師興解后歸國再
相出督身荷憂責江南之役義聲四克爲親拜墓以
剪荆棘大勛垂集一跌崎嶇妻妾子女六人爲俘收
拾散亡息于海隅庶幾奮厲以爲後圖惡運推遷天
所廢棄有母之喪尋失嫡子哭泣未乾兵臨其壘倉
皇之間二女天逝剪爲囚虜形影獨存仰藥不瘳竟
古文奇賞 卷二十二 四五

北其轅繫頸繫足過我里門望墓相從恨不九原爰
指松楸有言若誓繼令支子實典祀事有姪曰敏我
身是嗣與言及此血淚如雨烏乎自古危亂之世忠
臣義士孝子慈孫其事之不能兩全也久矣吾生不
辰罹此百凶求仁得仁抑又何怨幽明死生一理也
父子祖孫一氣也冥漠有知尚哀鑒之
予始至南安軍卽絕糧爲告墓文遣人馳歸白之
祖彌瞋目長嗟含笑入地矣乃水盛風駛五日過
廬陵又二日至豐城知所遣人竟不得行予至是
不食垂八日若無事然私念死廬陵不失爲首丘

今心。事不達。委命荒江。誰知之者。盡少從容。以就
義乎。復飲食如初。因記左傳申包胥哭秦庭七日
勺飲不入口。不聞有它。乃知餓踣西山。非一朝夕
之積也。予嘗服腦子二兩不死。絕食八日又不死。
未知死何日。死何所哀哉。

回吉州陳守緯啓吟詩自樂。退求元亮之心。設榻
相看。徒盛陳蕃之意。賀李湖南改除漕憲啓。五
丈原之流烏木牛。運於尊俎。八景画之晚鐘。沙雁
同是江山。又太微二十五星。旌搖江漢。祝融九千
餘丈節。倚雲霄當驅馳吟遣使之詩。每忼慨誦出師

古文奇賞 卷二十二

四六

之表落落。襄樊之事會悠悠。江漢之風寒。通羅
提舉京子啓。九折回王尊之馭。爲範馳驅四方。隨
東野之龍。願從鞭弭。宴客啓南有箕北有斗。所
願挹藜君向湘。我向秦若爲聞笛。回楊秘監啓
綠蓑風雨之中。方茲餐菊。舊繡波濤之後。復爾夢
蕉。通丁侍郎啓。空萬馬以無前。領衆星而直上。
又詎期漢節之來。喚醒楚騷之讀。通楊提刑啓
召賈誼于長沙。上心久渴。見夷吾于江左。天下何
憂。謝章僉書啓。一壑白雲對哺鳥。而俯仰十年
流水。忘夢鹿之去來。又奉使登車。敢自詭范滂之

操爲親拜表尚曲全李密之私。謝陳尚書宜中啓宿昌黎之南斗自歎我辰事元亮之西疇每懷前路。賀劉尚書黼啓一疏辨奸少日老泉之氣識十條論事平生小范之精神爲御史爲諫官陳膽論事真舍人真侍講吐詞爲經。同人賀啓顧影躊躇漸有雲東西之迹懷人飛越相望斗南北之輝。謝倉守李愛梅啓家庭自爲庠序要祖廬江典學之風文字懶飭門牆惟準石室立言之法。賀江古心判潭州啓起觀一世之安危端係大人之出處。答中秋請啓風雨滿城何幸兩重陽之

近江山如畫尚從前赤壁之遊

先生云痛飲讀離騷又云喚醒楚騷之讀謂中木吾味也

相國文公再破執時予嘗爲文生祭之已而吉水張千載心弘毅自燕山持丞相髮與齒歸丞相旣得灰矣嗚呼痛哉謹痛望奠再致一言 嗚呼哉顛持危文山諸葛相國雖同而公夙節倡義舉勇文山張巡殺身不異而公秉鈞名相烈士合爲一傳三千年間人不兩見事謬身執義當勇決祭公速公童子易簣何如天意佑忠憐才留公一死易水金臺乘氣捐軀壯士其或久而不易雪霜松柏嗟哉文山山高水深難回者天不負者心常山之髮侍中之血日月韜光

古文奇賞

卷二十三

四十八

山河改色。生爲名臣。死爲列星。不然勁氣爲風。爲霆。千將莫耶。或寄良冶。出世則神入土。不化。今夕何夕。斗轉河斜。中有光芒。非公也耶。

附生祭文丞相文

丞相再執就義未聞慷慨之見固難測識因與劉堯舉對牀共賦感慨嗟惜之堯舉先賦云天留中子墳孤竹。誰向西山飯伯夷。予問其下句義則謂伯夷久不死必有飯之矣。予謂向字有愛其飢而願人餉之之意。請改作在字如何。堯舉然之。予以柴寥短章不足用。吾情遂不復賦。蓋丞相初起兵

僕嘗赴其召進狂言有云願明公復毀家產供給
軍餉以倡士民助義之心請購淮卒參錯戎行以
訓江廣烏合之衆他所議論狂斐尤多慷慨蕙愚
丞相嘉納令何見山進之幕府授職從戎僕以身
在大學父歿未葬母病危殆屬以時艱恐進難效
忠退復虧孝倖愆感泣以母老撝辭丞相憐而從
之僕于國恩爲已負于丞相之德則未報遂作生
祭丞相文以速丞相之死堯舉讀之流涕遂相與
謄錄數十本自贛至洪於驛途水步山牆店壁貼
之冀丞相經從一見雖不自揣量亦求不負此心

古文奇賞

卷二十二

四九

耳堯舉名應鳳黃甲科第授簽判與其兄堯咨文
章超卓爲安成名士 維年月日里學生舊大學

觀化齋生王炎午謹採西山之薇酌汨羅之水哭

祭于文山先生未死之靈而言曰嗚呼大丞相可

死矣文章周魯科第^{如何可死}郊^{如何可死}祁斯文不朽可死喪父受

公卿祖奠之榮^{如何可死}奉母極^{如何可死}東西迎養之樂爲子孝可

歿二十而巍科四十而將相功名事業可歿^{如何可死}仗義

勤王使命不辱不負所學可歿^{如何可死}華元^其踉躅子胥脫

走丞相自叙歿者數矣誠有不幸則國事未定臣

節未明今鞠躬盡瘁則諸葛矣保捍閩廣則田單

卽墨矣。倡義勇出。則顏平原申包胥矣。雖舉事率
無所成。而大節亦無媿。所欠一死耳。奈何再執涉

未嘗言欠。

月踰時。就義寂寥。聞者驚惜。豈丞相尚欲脫去耶。
尚欲有所爲耶。或以不屈爲心。而以不死爲事耶。
抑舊主尚在不忍棄捐耶。伏橋于厠舍之後。投筓
于目矐之餘。於所希再縱求再生。則二子爲不知
矣。尚欲有所爲耶。識時務者在俊傑。昔東南全勢
不能解。襄圍今以亾國一夫而欲抗天下。况趙孤
蹈海。楚懷入關。商非前日之頑。周無未獻之地。南
北之勢。既合。天人之際。可知。彼齊廢齊。興楚亾楚。
復皆兩國相當之勢。而國君大臣固無恙耳。今事
勢無可爲。而臣皆爲執矣。臣子之於君父。臨大節
決大難事。可爲則屈。意忍。必以就義。必不幸。則伏
大節以明分。故身執而勇于就義。當以臬卿張巡
諸子爲上。李陵降矣。而曰欲有爲。且思劓頸。以見
志。其言誠僞。旣不可知。况刑拘勢禁。不及爲者。十
八九。惟不劓。劓豈足以見志。况使陵降後。死他故。
則頸且不復。劓志何自而明哉。丞相之不爲陵不
待知者。而信奈何慷慨遲囿日久。月積志消。氣餒
不陵亦陵。豈不惜哉。欲不屈而死耶。惟蘇子卿可

漢室方隆子卿使耳非有興復事也非有抗誓師
讎也丞相事何事降與死當有分矣李光弼討史
思明方戰納劔于靴曰夫戰危事也吾位三公不
可辱於賊萬一不利自當刎李存勗伐梁梁帝朱
友貞謂近臣皇甫麟曰晉吾世讎也不可俟彼刀
銘卿可盡我命麟於是哀泣進刃於帝而亦自刎
今丞相以三公之位兼睚眦之讐投機明辨豈堪
在李光弼朱友貞下乎屈且不保况不屈乎丞相
不死當有死丞相者矣自歿于義歿于勢歿于人
以怒罵爲烈死於怒罵則肝腦腸腎有不忍言者

矣雖鑊湯刀鋸烈士不辭苟可就義以歸全豈不
因忠而成孝事在目睹丞相何所俟乎以舊主尚
在未忍棄捐也李昇篡楊行密之業遷其子孫於
廣陵嚴兵守之至于子孫自爲匹耦然猶得不死周
世宗征淮南下詔撫安楊氏子孫景升驚疑盡殺
其族夫撫安本以爲德又反爲禍幾微一失可不
懼哉蜀王衍旣歸唐莊宗發三辰之誓全其宗族
未幾信伶人景進之計衍族盡誅幾微之倚伏可
不畏哉夫以趙祖之遇降主天固巧於報施然建
其暫處偃坐苟安舊主正坐於危疑羈臣尤事於

骯髒而聲氣所逼猜嫌必生豈無李昇之疑或景
進之計則丞相於舊主不足爲情而反爲害矣炎
午丞相鄉之晚進士也前成均之弟子員進而父
沒退而國亾生雖魏陳東報汴之忠死不效陸機
入洛之耻丞相起兵次鄉國時有少年狂子持斐
牘叫軍門丞相察其憂憤而進之憐其親老而退
之非僕也耶痛惟千載之事旣負於前一得之愚
敢默於後進薄昭之素服先元亮之挽歌願與丞
相商之廬陵非丞相父母邦乎趙太祖語孟昶母
曰勿戚戚行遣女歸蜀昶母曰妾太原人願歸太

原不願歸蜀契丹遷晉出帝及李太后安太妃於
建州太后疾歿謂帝曰我歿焚其骨送范陽僧寺
無使我爲虜地鬼也安太妃臨卒亦謂帝曰當焚
我爲灰向南颺之庶遺鬼得返中國也彼婦人狡
國后一歿一生尚眷眷故鄉不忍飄棄仇讐外國
况忠臣義士乎人不七日穀則斃自梅嶺以出縱
不得留漢廐而從田橫亦當吐周粟而友孤竹至
父母邦而首丘焉廬陵盛矣科目尊矣宰相忠烈
合爲一傳矣舊主爲老歿於降邸宋亾而趙不絕
矣不然或拘囚而不死或秋暑冬寒五日不汗瓜

帶噴鼻而死畏死排墻死盜賊毒蛇猛虎死輕一
死於鴻毛虧一簣於泰山而或遺舊主憂縱不斷
趙盾之殺君亦將悔伯仁之由我則鑄錯已無鐵
噬臍寧有口乎嗚呼四忠一節待公而六爲位其
間聞訃則哭。

古文奇賞 卷三十一

三十一



間聞信頃哭乎人不七日殺則楚自魯來以
塾。觀。寧。許。口。乎。鼎。判。國。忠。一。消。替。公。而。六。爲。其。
飲。飲。之。嫌。故。亦。無。辭。計。斗。之。山。與。明。論。帶。已。無。鐵。
取。飲。而。取。丹。取。非。敵。取。盜。類。毒。池。計。取。取。一。

07209

